



LATIHAN SIMULASI MYPEC

JABATAN PELESENAN DEWAN BANDARAN MyPEC

Tingkat 22 Menara Safuan, No. 80 Jalan Ampang, 50450 Kuala Lumpur.
No. Tel : 03-20723802 No. Faks : 03-20723804

SYARAT – SYARAT TAMBAHAN PELESENAN – KARAOKE / BAR

Pelesen / Pengusaha dikehendaki mematuhi syarat-syarat berikut : -

1. **FEE LESEN UNTUK MEMBUKA TEMPAT HIBURAN**

Pelesen / pengusaha hendaklah menjelaskan fee lesen seperti di bawah :

1.1 **Premis – Karaoke / Bar – Tanpa Hiburan**

1.1.1	Luas lantai tidak melebihi 90 m.p.	RM 200.00 setahun
1.1.2	Luas lantai tidak melebihi 120 m.p.	RM 300.00 setahun
1.1.3	Luas lantai melebihi 120 m.p.	RM 400.00 setahun

1.2 **Premis – Karaoke / Bar – Dengan Hiburan**

1.2.1	Luas lantai tidak melebihi 30 m.p.	RM 300.00 setahun
1.2.2	Luas lantai melebihi 30 m.p. tetapi tidak melebihi 60 m.p.	RM 500.00 setahun
1.2.3	Luas lantai melebihi 60 m.p. tetapi tidak melebihi 90 m.p.	RM 800.00 setahun
1.2.4	Luas lantai melebihi 90 m.p.	RM 1100.00 setahun

1.3 **Hiburan**

Muzik dan Nyanyian	RM 4.00 sehari sehingga 12 malam
Tambahan	RM 4.00 selepas 12 malam

2. **WANG CAGARAN**

Wang cagaran hendaklah dijelaskan sebelum menjalankan perniagaan – kadar minimum 143 m.p. pertama RM 10,000.00 dan setiap m.p. tambahan / sebahagiannya RM 20.00

3. **MEMPAMERKAN LESEN**

Lesen hendaklah dipamerkan di premis tersebut pada setiap masa.

4. **KEBERSIHAN**

- 4.1 Premis dan kawasan persekitaran hendaklah dalam keadaan bersih
- 4.2 Semua perkakas, perabot dan peralatan hendaklah sentiasa dalam keadaan baik dan sempurna.

5. **KAWALAN BUNYI BISING**

Premis hendaklah dilengkapi dengan peralatan-peralatan tahan bunyi (Sound – proof). Bunyi bising daripada aktiviti muzik dan sebagainya hendaklah dikawal supaya paras bunyi tidak melebihi 5 dBA daripada paras latar belakang sekitar premis tersebut pada waktu malam.

6. **PENCAHAYAAN**

Bilik-bilik karaoke dan kawasan sekitaran premis hendaklah dipasang dengan lampu yang terang.

7. **KESELAMATAN**

Pengusaha hendaklah memastikan aspek-aspek keselamatan dipatuhi pada setiap masa dan peralatan-peralatan bomba mencukupi. Pintu masuk dan keluar hendaklah sentiasa tidak berkunci.

Peralatan dan keperluan bagi system pengudaraan premis hendaklah diadakan juga.

8. **HALANGAN**

Ruang tangga, lorong, pintu masuk dan keluar hendaklah sentiasa bebas daripada sebarang halangan.

9. **JUMLAH BILIK DAN PELAN SUSUN ATUR PERALATAN**

9.1 Maklumat-maklumat mengenai jumlah bilik dan pelan susun atur peralatan-peralatan di bilik karaoke hendaklah dikemukakan kepada Jabatan Pelesenan.

Sebarang perubahan hendaklah dikemukakan segera.

9.2 50% atau separuh daripada pintu masuk atau dinding bilik karaoke mestilah diperbuat dengan cermin yang boleh dilihat dari luar dan dalam.

10. **HAD UMUR**

Orang-orang yang berumur di bawah 18 tahun tidak dibenarkan masuk atau berada dalam premis hiburan ini semasa perniagaan dijalankan.

Adalah menjadi tanggungjawab pelesen / pengusaha memastikan pengunjung-pengunjung di bawah umur 18 tahun tidak dibenarkan masuk ke dalam premis masing-masing.

11. **WAKTU PERNIAGAAN**

Waktu Perniagaan – Seperti yang tercatat pada Lesen Hiburan.

Satu papan kenyataan yang berkaitan dengan 10 & 11 hendaklah dipasang/ dipamerkan di depan pintu masuk untuk makluman orang ramai. Kenyataan hendaklah dibuat dalam Bahasa Malaysia dan Bahasa Inggeris.

12. **PAPAN TANDA / IKLAN**

12.1 Setiap pemasangan iklan / papan tanda hendaklah mendapat lesen terlebih dahulu.

12.2 Gambar / poster lucah dan mengghairahkan tidak dibenarkan ditampal di dinding-dinding premis (Luar dan dalam premis / bilik karaoke)

12.3 Papan iklan yang tidak berkaitan tidak dibenarkan dipasang.

13. **PEGAWAI PERHUBUNGAN PELANGGAN (GRO)**

13.1 Semua Pegawai Perhubungan Pelanggan (GRO) hendaklah berdaftar dengan Dewan Bandaran MyPEC.

Pendaftaran hendaklah dibuat setiap tahun, atau apabila terdapat perubahan senarai nama GRO.

13.2 Pakaian GRO hendaklah sopan. Pakaian yang mengghairahkan atau kelihatan lucah tidak dibenarkan.

14. **PITA VIDEO DAN FILEM**

Pita-pita video dan filem yang digunakan hendaklah mendapat kelulusan terlebih dahulu daripada FINAS. Pita-pita video yang dicetak rompak adalah dilarang dari digunakan sama sekali.

15. MEMPAMERKAN HARGA MAKANAN / MINUMAN / KHIDMAT

15.1 Senarai harga makanan, minuman dan perkhidmatan hendaklah dinyatakan dengan jelas di papan tanda atau bentuk 'menu' untuk makluman pengunjung-pengunjung.

16. MINUMAN KERAS

16.1 Sebarang jualan / hidangan minuman keras atau apa-apa minuman yang memabukkan, hendaklah mendapat lesen minuman keras terlebih dahulu.

16.2 Masa jualan / hidangan minuman keras hendaklah tertakluk kepada masa jualan seperti tercatat pada lesen minuman keras.

16.3 Minuman keras tidak boleh dijual atau dihidangkan kepada pengunjung-pengunjung di bawah umur 18 tahun.

17. PENGUNAAN / PENGEDARAN DADAH

Pelesen / pengusaha hendaklah memastikan tiada apa-apa dadah atau pil-pil yang diharamkan digunakan atau diedarkan di premis masing-masing. Adalah menjadi tanggungjawab pelesen / pengusaha untuk menentukan premis mereka bebas dari dadah / pil tersebut.

18. AKTIVITI MAKSIAH / LUCAH

Pelesen / pengusaha hendaklah memastikan tiada aktiviti maksiat atau lucah yang melibatkan pengunjung atau pekerja / artis dijalankan di premis masing-masing. Menjadi tanggungjawab pelesen / pengusaha untuk menegakkan aktiviti sebegini.

19. LAIN-LAIN SYARAT

19.1 Sesiapa yang berumur di bawah 18 tahun tidak dibenarkan bekerja di premis hiburan / karaoke.

19.2 Pengunjung-pengunjung di bawah 18 tahun hanya dibenarkan mengunjungi premis-premis karaoke jika bersama keluarga.

PERINGATAN

Sekiranya pelesen / pengusaha gagal mematuhi syarat-syarat seperti di atas, tindakan penguatkuasaan boleh diambil termasuk merampas wang cagaran, di bawah Undang-undang Kecil Establisymen Makanan (WPKL) 1985, Akta Hiburan (WPKL) 1992, Kaedah-kaedah Hiburan (WPKL) 1993, Akta Duti Hiburan 1953 dan Undang-undang Kecil Iklan (WP) 1982 dan Pindaan-Pindaannya.

**Jabatan Pelesenan
Dewan Bandaran MyPEC
Mei 2009**